



## U OVOM IZDANJU OBJAVILI SMO:

- Kako FTZ promovira i podržava razvoj volonterizma u Tuzli?!
- Kako Fondacija saraduje sa različitim akterima i partnerima iz Tuzle i inostranstva
- Osobe koje doprinose da rad Fondacije u zajednici bude prepoznatljiv

## U OVOM IZDANJU PROČITAJTE:

Otvoreno obrazovanje i razvoj zajednice 2

“Osmijeh za osmijeh” - Male vođe 3

Aktivnosti u okviru YEPP mreže 3

Upoznajte bolje FTZ i njene uposlenike 4

Tekstove pripremila: Nela Hukić

## Ima li volonterizma u Tuzli?

Kao vid podrške promociji i razvoju volonterizma u Tuzli, potpisali smo sporazum o saradnji sa Asocijacionom Margina Tuzla, o otvaranju Lokalnog volonterskog servisa u Tuzli. Lokalni volonterski servis radi na izgradnji baze volontera koji žele dati doprinos društveno korisnim aktivnostima koje provode organizacije civilnog društva u Tuzli. Lokalni volonterski servis djeluje iz kancelarije Asocijacije Margina i naših prostorija u Otvorenom Agora centru u Simin Hanu. Ovo će biti i osnova za budući razvoj Agora centra kao volonterskog centra za cijelo područje Tuzle.

### Obilježena sedmica volonterizma

Radna grupa za mlade pri Referentnoj grupi Tuzla, u periodu od 1. do 5. decembra organizovala je Sedmicu volonterizma, čime se ukazalo na vrijednost volonterskog angažovanja.

Cilj održavanja ove aktivnosti je bio ukazati i unaprijediti status volontera u zajednici te promovirati volonterski rad.

Sedmica volonterizma obilovala je raznim aktivnostima koje su

karakterisale i promovisale filantropiju u zajednici.

Počela je predstavom „Zašto“ u izvedbi članova Udruženja mladih Tuzla, a završena je izložbom fotografija i volonterskom čajankom na kojoj su prisustvovali mnogi volonteri iz raznih organizacija kao i oni koji to još uvijek nisu.

Pored navedenih aktivnosti u okviru sedmice volonterizma, održana je debata o izradi strategije za mlade u Općini Tuzla u Domu mladih, zatim je izabran i



Volonterska čajanka na Sonom trgu za Dan volontera 5. decembar 2008.

nagrađen najvolonter Lokalnog volonterskog servisa za 2008. godinu. Za razliku od predhodne godine, kada je sedmica volonterizma imala za ciljanu

skupinu korisnike volonterskih usluga, ovaj put je odlučeno da volonterima bude posvećeno više pažnje.

Fondacija tuzlanske zajednice, kroz omladinski fond Omladinska banka Tuzla, je finansijski podržala i učestvovala u pripremi i implementaciji cijele sedmice volonterizma..

**Inače, obilježavanje Dana volonterizma usaglašeno je od strane Generalne skupštine Ujedinjenih nacija 17. decembra 1985.godine. Volontiranje u najširem smislu se definiše kao neprofitna i neplaćena aktivnost kojom pojedinci doprinose dobrobiti svoje zajednice ili cijelog društva. Ova aktivnost se javlja u raznim oblicima, od tradicionalnih običaja uzajamne samopomoći do organizovanog djelovanja zajednice u kriznim periodima, kao i suzbijanja siromaštva. Volontiranje je dio istorije gotovo svake civilizacije.**

## Izrada strategije za mlade u Općini Tuzla

Radna grupa za mlade pri Referentnoj grupi Tuzla, je u martu mjesecu 2008. godine, pokrenula proces izrade Starategije za mlade u Općini Tuzla. Razlog tome jeste želja za sistemskim pristupom brizi za mlade kao i stvaranjem održive strukture za institucionalno rješavanje problema i zadovoljenja potreba mladih. Nakon što se prošlo kroz niz aktivnosti, od istraživanja položaja mladih,



Prezentiranje javnosti proces izrade strategije za mlade u prostorijama Općini Tuzla.

prezentacije dobivenih rezultat te izrade akcionih planova, uslijedit će izrada prijedloga Strategije.

U istraživanje o potrebama mladih sa područja Općine Tuzla, bile su uključene sve zainteresovane organizacije koje rade sa mladima. Volonteri Lokalnog volonterskog servisa su vršili anketiranje, a rezultate je sumirao neovisni stručnjak. Uzorak od 400 ispitanika je dao dovoljno podataka koji su dali relevantne informacije za daljnje korake izrade prijedloga Strategije.

Nakon provedenog istraživanja rezultati istog su prezentovani svim tijelima/organizacijama/ ustanovama/institucijama za pitanja mladih u Tuzli s ciljem informisanja i kreiranja daljnjih

koraka. Konačan nacrt dokumenta “Strategija za mlade u Općini Tuzla” se očekuje u septembru mjesecu 2009. godine.

Pored općine Tuzla koja je finansijski podržala ovaj projekat, Referentne grupe kao koordinatora projekta, aktivno organizacino i finansijsko učešće su uzeli GTZ Tuzla i svakako Fondacija tuzlanske zajednice.

**“Lokalna politika prema mladima, najkraće rečeno, jeste sistemski uređen odnos kako se jedna općina/opština brine o mladima. Najlošija politika jeste kada lokalna politika prema mladima uopšte ne postoji, tj. kada niko nije odgovoran za pitanja mladih, kada su oni prepušteni sami sebi...” «Lokalne vlasti i mladi» OIA 2006**

## Otvoreno obrazovanje i razvoj zajednice



Obrazovanje za cijeli život, Mladi lideri na treningu u Agora centru

**Budite i vi aktivni!  
Poboljšajmo zajedno  
život mladih u Tuzli**

**“Građanske akcije  
doprinose razvoju  
zajednice, jer malim  
udruženim koracima  
možemo poboljšati  
uslove življenja u svim  
dijelovima Tuzle”**



Razmjena iskustava lokalnih zajednica 28. decembar 2008

U saradnji sa partnerskom organizacijom “MIOS” Tuzla, imamo za cilj razviti model otvorenog obrazovanja. Podržavamo škole za sticanje mogućnosti postajanja otvorene škole u zajednici koja promiče i sprovodi otvorene standarde obrazovanja.

Tokom 2008. godine MIOS je krenuo sa sprovođenjem dva projekta: “Škola za sve” i «Razvoj inkluzivne škole». Stvorena je mreža sa više od 12 osnovnih škola.

[www.ioskole.net](http://www.ioskole.net)

MIOS Tuzla je naša partnerska organizacija koja je podržana kroz poseban fond koji je osnovala njemačka fondacija “Freudenberg Stiftung” u okviru

Fondacije tuzlanske zajednice.

Početkom decembra mjeseca, organizovana je radionica pod nazivom “Uloga škole u zajednici – Utjecaj zajednice na razvoj otvorene škole”. Radionici su prisustvovala 52 učesnika iz Tuzle, Osjeka i Novog Sada. Ova radionica imala je za cilj da potakne sudionike da razmišljaju o praktičnim koristima suradnje između aktera sa stanovišta škole, ali i sa stanovišta drugih grupa u zajednici. Sudionicima je predstavljen process koji unapređuje suradnju na nivou zajednice, potiče razvoj zajednice i osnažuje mlade, a dugoročno vodi ka punom razvoju zajednice.

I u narednom periodu Fondacija tuzlanske zajednice će kontinuirano učestvovati u povezivanju svih aktera u zajednici sa školom, svakako, u saradnji sa MIOS-om.



Nastavnici i učenici - na radionici zajedničkog planiranja

## Program razvoja zajednice

Program održivog razvoja zajednice ima za cilj uključivanje građana u demokratske promjene u društvu, promociju kulture dijaloga kroz izgradnju saradnje na nivou lokalnih zajednica i razmjene iskustava

te organizovanje akcija koje doprinose razvoju zajednica. Fondacija ovaj program sprovodi kroz izdavanje sredstava za građanske inicijative na području općine Tuzla sa jedne strane, a sa

druge strane kontinuiranim radom na osnaživanju lokalnih aktera u pet, posebno, marginaliziranih zajednica općine Tuzla i to: Simin Han, Gornja Tuzla, Solina, Husino, i Tušanj.

## Saradnja sa akterima u lokalnim zajednicama

U svim zajednicama postoje grupe aktera/lokalnih predstavnika koje se sastoje od predstavnika lokalne vlasti, predstavnika uprave škole i školskih struktura, društvenog doma ili centra, te nevladinih udruženja ili predstavnika drugih institucija/organizacija iz zajednice.

U sklopu njihovih aktivnosti planiraju se i realizuju razne akcije, organizuju se radionice i treninzi za jačanje kapaciteta lokalnih aktera, kao i razmjene iskustava za lokalne aktiviste na nivou grada, regije i u okviru YEPP mreže.

Akcije u zajednici i manifestacije koje imaju za cilj jačanje građanskog aktivizma, osjećaja identiteta i lokalnog zajedništva su vjerovatno najbitniji segment kroz koji se izgrađuju trajna partnerstva i održive strukture na nivou jedne zajednice.

Pored redovnih sastanaka sa akterima, Fondacija je sudjelovala i u realizaciji akcionih planova lokalnih zajednica. Podrška Fondacije se ogledala kroz finansijsku podršku, organizovanje treninga i savjetovanja, tehničku organizacionu podršku, te stvaranja mogućnosti za umrežavanje i razmjenu iskustava na lokalnom, općinskom, regionalnom i međunarodnom nivou.

### Umrežavanje na lokalnom nivou

U decembru mjesecu, u Spomen domu na Husinu, organizovana je radionica na temu „Razmjena iskustava lokalnih zajednica u Tuzli“. Na radionici je preko 50 lokalnih aktera, iz pet zajednica sa područja Tuzle, prezentiralo svoj rad u toku 2008. godine. Jedan od ciljeva radionice je bio i međusobno upoznavanje aktera

iz različitih zajednica, te otvaranje mogućnosti za saradnju u budućnosti. Kako se pokazala uspješnom, akteri su sugerisali da bi takve radionice trebalo organizovati redovno jednom godišnje kako bi se kvalitetnije planirale zajedničke akcije i umrežavanje na nivou grada.

### Regionalna saradnja

U oktobru mjesecu sedam predstavnika omladinskih organizacija iz Simin Hana, Gornje Tuzle, i Husina, sudjelovali su na međunarodnoj manifestaciji „Susreti prijateljstva“ u Dalju, Hrvatska. Imali su priliku vidjeti i naučiti više o organiziranju zajednice u Hrvatskoj. Kao rezultat ove posjete potpisane su Povelje o saradnji kao osnov za potencijalne zajedničke projekte u budućnosti.

### Međunarodno umrežavanje

U novembru mjesecu 2008. u okviru YEPP programa, tri zaposlenice Fondacije su sudjelovale u sedmodnevnom treningu za trenere u Torinu na temu *Participativni monitoring projekata*. Na treningu je pored predstavnika iz BiH sudjelovalo još 22 predstavnika iz 11 YEPP zajednica i programskog ureda YEPP-a iz Berlina.

## “Osmijeh za osmijeh”

Organizacija za djecu i mlade “Osmijeh za osmijeh” Tuzla, nastala je iz trogodišnjeg projekta “Mladi vođa u zajednici”, koji je implementirala naša organizacija – Fondacija tuzlanske zajednice, u saradnji sa švedskom organizacijom Unga Ornar. Organizacija je zvanično počela sa radom 6. decembra 2008. godine, obilježavanjem Međunarodnog dana volonterizma.

Na osnivačkoj skupštini organizacije, učestvovalo je ukupno 56 djece i



Demokratija na djelu

mladih iz 8 zajednica u kojima se do tada implementirao projekat. Odabir rukovodstva organizacije, ime organizacije kao i osnovne vrijednosti na kojima se temelji rad su izvršila upravo djeca i mladi, promovisući direktno na taj način načela demokratije.

Organizacija za djecu i mlade “Osmijeh za osmijeh” ima za cilj stvaranje kreativnog slobodnog vremena za djecu i mlade u malim zajednicama u Tuzli. Pored kreativnih



Slavlje nakon proglašenja

radionica mi želimo da slobodno vrijeme koje djeca i mladi provedu na aktivnostima budu upotpunjena kontinuiranom razmjenom znanja, iskustva i vještina. Pored činjenice da djeca i mladi, koji su učesnici radionica, treba da primaju znanje, oni također imaju ulogu prenošenja tog znanja i svojih iskustava na voditelje radionica ali također i na članove zajednice u kojoj žive.



Adna Husagić - predsjednica

Organizacija za djecu i mlade



- **Nije znanje znanje dati, već je znanje znanje dati**

- **Želimo da slobodno vrijeme koje djeca i mladi provedu na aktivnostima budu upotpunjena kontinuiranom razmjenom znanja, iskustva i vještina.**

## YEPP konferencija u Dublinu

Treća po redu konferencija u okviru YEPP mreže održana je u Dublinu, u periodu od 17. do 21. juna 2008. godine sa učešćem devet zemalja u kojima se realizuju zadaci YEPP-a. Tema ove konferencije bila je “Moguća je drugačija Europa”, što je u skladu sa potrebom, jer su predstavnici dolazili iz različitih zemalja EU kao i onih koje to nisu. Svakako i naša zemlja je zahvaljući Fondaciji tuzlanske zajednice i saradnji sa partnerima iz lokalnih zajednica imala svoje predstavnike.

Kao rezultat ove petodnevne konferencije proizašlo je zajedničko stajalište svih učesnika, da svaka

europska zemlja treba omogućiti svojim građanima, posebno mladima u marginaliziranim sredinama, neovisno od spola, nacionalnosti, religije ili



Predstavnici Tuzle na III YEPP konferenciji

etničke pripadnosti i socijalno-ekonomskog statusa, da utiču na odluke i politike koje će doprinjeti kvalitetnijem životu mladih, lokalne zajednice i Europe u cjelini.

Inače, YEPP /Youth Empowerment Partnership Program/ ima za cilj osnaživanje mladih na lokalnom nivou i svakako njihovo umrežavanje na nivou zemalja koje su potpisnice memoranduma o saradnji. YEPP omogućava da mladi iz marginaliziranih zajednica u Tuzli učestvuju u međunarodnim razmjenama i na taj način promišu mjesto iz kojega su.



## Empower Media Network - video projekat

Media projekat “Video priče iz zajednice” je još jedan u nizu projekata koje implementira Fondacija u saradnji sa lokalnim partnerima, ovog puta sa UG Kuća plamena mira. Ovaj projekat ima za cilj da se, kroz set radionica mladi ljudi obuča da, zanimljive priče iz zajednice identifikuju, zatim naprave scenarij, prenesu ga na “traku” i u konačnici montiraju u pravu malu priču.

Na međunarodnom takmičenju kratkih filmova, koje je organizovala u Dublinu mreža YEPP gradova, kroz

posebnu inicijativu pod nazivom „Empowerment Media Network“, film „Crossroads“, grupe mladih iz Tuzle, je osvojio prvo mjesto.

Tema ovogodišnjeg takmičenja kratkih filmova, /do tri minute/ bila je „Ljubav“. Na takmičenju je učestvovalo devet predstavnika iz pet zemalja (Finska, Italija, Irska, Belgija i Bosna i Hercegovina). Grupu mladih iz Tuzle je činilo trinaest učesnika uz vodstvo mentorice Sanje Čobić, koja je i kandidovala film „Crossroads“.

Učešće i još jedna pobjeda ove grupe, pokazuju snagu volje, umjeća i dobre ideje koje imaju mladi u našoj zemlji.

Nagrada će biti veći stimulans da se nastavi sa aktivnostima na ovom projektu i da svakako mladi nauče više o svojoj zajednici u kojoj žive.



Kuća plamena mira - radionica scenarija

**Cilj projekta je motivisanje mladih da istražuju probleme u zajednici na atraktivan i vizuelan način, kroz proizvodnju video priča**



Fondacija tuzlanske zajednice

Glavna kancelarija:

Matije Gupca 13, 75000 Tuzla  
Tel/Fax: + 387 35 362 830/831  
E-mail: [fondtz@fondacijatz.org](mailto:fondtz@fondacijatz.org)

Kancelarija u Agora centru u Simin Hanu:

Oslobodilaca 4, 75207 Simn Han  
Tel/Fax. + 387 35 312 931/930  
E-mail: [elma@fondacijatz.org](mailto:elma@fondacijatz.org)

[www.fondacijatz.org](http://www.fondacijatz.org)

**Darujte zajednici, darovali ste sebi!**

Fondacija tuzlanske zajednice je lokalna fondacija za razvoj Tuzle, koja prikuplja i udružuje donacije i usmjerava ih na aktivnosti za opšte dobro društva. Osnovana je 2003. godine kao prva lokalna fondacija u Bosni i Hercegovini!

Misija FTZ je da podrži demokratski razvoj zajednica kroz sufinansiranje građanskih inicijativa i projekata za opšte dobro. Kontinuiranom promocijom kulture darivanja i volonterizma, FTZ pomaže donatorima Tuzle da svoje filantropske želje usklade sa potrebama građana i da na transparentan, objektivian i nepristrasan način, usmjeri donacije u prioritetne i najpotrebnije projekte za dobrobit zajednice.

**Odaberite i Vi Fondaciju tuzlanske zajednice za  
Vašeg dugoročnog partnera!**

## Upoznajte osoblje Fondacije tuzlanske zajednice



**Angelina Hodžić**, uposlenica je Fondacije tuzlanske zajednice na mjestu koordinatorice programa osnaživanja zajednica i grant programa.

- Jako mi je drago što sam u prilici svakodnevno vidjeti građanske inicijative, koordinirati različite akcije i biti dio te priče o razvoju zajednica. Sigurna sam da mnogi naši sugrađani i nemaju jasnu predstavu koliko se zaista akcija u malim zajednicama godišnje uradi i koliko je ljudi uključeno.

U svom dosadašnjem radu u Fondaciji radila sam na programu otvorenog obrazovanja, gdje sam mnogo naučila o tome kako je učenje u stvari proces koji nikada ne prestaje i kako sa kvalitetnim otvorenim centrima u malim zajednicama, možemo olakšati našim školama kreiranje kvalitetnih otvorenih programa obrazovanja koji se naslanjaju na redovne nastavne planove i programe i dopunjavaju ih. Na taj način se može

ostvariti veoma dobra veza između otvorenih centara u zajednici i otvorenih škola, koje su često generatori pozitivnih promjena u zajednici.

Rad na programu izdavanja malih grantova je posebno interesantan, jer se tu zaista vidi kolika je vrijednost aktivizma. I sa veoma malim novčanim iznosima dobro organizovana grupa aktivista može zaista postići vidljive promjene i animirati stanovnike da postanu istinski vlasnici zajednica u kojima žive, tako što će ih čuvati i njegovati i napraviti od njih svoj dom i dom za buduće generacije.

### Korisnici programa

Da se rad i trud isplati govore i riječi pohvale koje kontinuirano stižu na adresu Fondacije od aplikantata.

- Fondacija tuzlanske zajednice nam je omogućila da obezbijedimo mašine i materijal za kreativnu radionicu šivenja i pletenja. Kroz tu radionicu korisnici našeg udruženja su poboljšali svoju koordinaciju pokreta, motoriku, razvili su svoju maštu i kreativnost. Veoma nam je drago što smo prepoznati od strane Fondacije i što postoji jedna takva organizacija u našem gradu, riječi su Edise Muminović, diplomiranog defektologa iz Udruženja građana "Korak po korak" Tuzla.

Cilj našeg programa finansijske podrške je probuditi građanski aktivizam i motivirati građane na samoorganizovanje i društvenu akciju.

- U 27 projekata koje je odobreno u 2008. godini, učestvovalo je preko 500 građana Tuzle.
- Od početka djelovanja Fondacije pa do danas, projekti su obuhvatili preko 13.000 korisnika

Svake godine se povećava interes građana za kandidiranje malih projekata za dobrobit zajednice.

### Osoblje

Jasna Jašarević, Izvršna direktorica  
Vera Đežić, Finansijski menadžment  
Angelina Hodžić, Program koordinatorica  
Emir Bašić, Program koordinator  
Jasmina Mustačević, Program asistentica  
Elma Muhamedbegović, Program asistentica  
Sanja Čobić, YEPP-EMN trener  
Kadir Beganović, Agora centar  
Fadila Islamović, Agora centar  
Selma Tobudić, YEPP evaluatorica